

**Naaja H. Nathanielsen  
Attaviitsoq**

**UPA2016/ 119  
6. maj 2016**

**2016-imi aasartinnagu Telepost A/S-imi piginnittuunermut periusissiamik ersaris-sumik Naalakkersuisut suliaqarnissaannik Inatsisartunut aalajangiiffigisassatut si-unnersuut. Piginnittuunermut periusissiassami tele-p iluani namminersortunngorsaanissami pilersaarutit naatsorsuutiginninnerillu ersarissumik allanneqarsimassapput. Tamatuma saniatigut ingerlassanut Telepost A/S-mut toqqaannartumik imminut akilersinnaanngitsunut Telepost A/S-ip aningaasaliinissaanut qanoq naatsorsuutiginninnerit ersarissarneqarsimassapput, taakkununggalu skabelip tallineqarnissaanut radiokdellu pitsanngorsarneqarnissaanut pisat ilaapput.**  
(Inatsisartunut ilaasortaq Kalistat Lund, Inuit Ataqtigiit)

Siunnersuuteqartoq ersarissumik siunnersuuteqarsimaneranut qujaniarpunga. Pingaaruteqarluinnarpoq suliffeqarfiutitsinnut ersarissumik piginnittuunitsinnut pilersaaruteqarnissarput. Sooq pigaavut? Sunaana anguniaripput? Apeqqutit taakku ersarissumik akineqarsinnaasari-aqarput, innuttaasut, siulersuisuni ilaasortat namminersortullu arlaatigut soqtigisaqarsinnaasut pissutigalugit.

Maanna ukiut qulit qaangiupput attaveqaqatigiinnerup iluani namminersortunngorsaanissaq Inatsisartunit aalajangiunneqarmat, sulilu sattattutut pilluta aalajangersinnaanatalu pivugut. Innuttaasut sunnerneqarpugut, attaveqaqatigiinnermut suliffeqarfiuterput sunnerneqarpoq, namminersortullu attaveqaqatigiinnermi niueqataaniartut aamma sunerneqarput.

Piviusuuvoq nunatta ilaa namminersortunit aningaasaliiffigissallugu soqtiginartutut isigineqanngimmat, inukinneri taakku pissutigalugit. Kisianni imaanngilaq inoqarfiit inukitsut ineriartornermut ilanngunneqassanngitsut. Inuiaqtigiit akisussaassuseqartut innuttaminnik isumaginnissapput, innuttaaqataasut sumiluunniit najugaqaraluarpata.

Attaveqaqatigiinnermut suliffeqarfimmi pisortaasimasup nalunaarutigaa, Tele-Postimut pingaaruteqartoq qularnaassallugu attaveqaqatigiinnermi unammiffiusumi nammaqatigiinneq qanoq aaqqissuussaassanersoq ilisimassallugu. Pisortaasimasoq kisimiinngilaq taamatut ujartuisoq.

Nalunaarusiaq naammassereerpoq. Martsimi saqqummiunneqarpoq Copenhagen Economicsimit suliarineqarluni. Namminersortunngorsaneq pingasunik tunngaviusunik allaaveqartillugu ingerlanneqassasoq kaammattuutigaat. Taakku tunngaviusut aallaaviit pingasuusut akuerineqanngippata Copenhagen Economicsimit namminersortunngorsaanissaq kaammattuutigineqanngilaq. Nalunaarusiap kaammattuutigaa soqtigisaqatigiit tamarmik oqarasuaatinut aqutitigut atassutaasunik pilersitsinissaminnut aningaasaliisinnaasariaqassasut, TELE A/S agorneqassasoq, aqutitigut atassutaasunik piginnittussatut immikkoortoqassasoq, tuniniaavimmik immikkoortumik pilersitsisoqassasoq, pilersuisussaataitanermut aaqqissuusinnermut ilusilersuisoqassasoq, tassanilu attaveqaqatigiinnikkut neqeroorutit minnerpaaffilerneqarneranik nassuiaasersuisoqassasoq, akillu erseqqissarneqassasut sumiluunniit najugaqaraluaaraanni. Nalunaarusiap kaammattuutigaa Tele sulianik taakkuninnga suliaqassasoq amigartooruteqarfiusunilu matussusiiffigineqartassasoq.

Nutaarsiassaqarfinni atuarsinnaavarput Telemi siulersuisut aalajangersimasut immap naqqatigut attaveqaat, avannaanut tallineqassasoq radiukkullu attaveqaat ineriartortinneqassasoq. Qularnanngilaq aalajangerneq tamanna nunatsinnut angisuumik sunniuteqassasoq. Tamanna pitsaasuuvoq. Copenhagen Economicsimit nalunaarusiap kaammattuutigaa taakku

**Naaja H. Nathanielsen**  
**Attaviitsoq**

aningsaliinerit ukiut marlunniit sisamallu missaani tikillugit ingerlaneranni nunatsinni oqarasuaatinik angallattakkanik atuisunit akilerneqassasut, attaveqaqatigiinnermilu neqeroorteqartut tamarmik aningaasanik aallissasut.

Ippassaani apeqqarissaartoqarnerani saqqummerpoq Naalakkersuisut siulittaasuata Copenhagen Economicsimiit nalunaarusiaq atuarsimanngikkaa, taamaattumik ilimagineqarsinnaavoq Naalakkersuisut tamarmiusut sammisamut pingaaruteqaraluaqisumut isummersimanngitsut.

Eqqaasitsissutigerusuppara naalakkersuinnermut suliaqartut tassaammata suliap ingerlaneranut paamaartitsisut. Kigaatsumik ingerlatsissut tassaanngillat Tele imaluunniit namminersortut ilannguteratarsinnaasut. Taakku oqallinnermut ilannguseqataapput nalunaarusiamullu aamma ilannguseqataasimallutik.

Namminersortunngorsaaratarsinnaanerulli pilersuisussaataaerermullu pisussaaffiup sinaakutissai naalakkersuinikkut aalajangersagaapput. Naalakkersuinikkut ersarissumik nalunaaruteqartoqanngippat ernummatigisinnaavarput aningsaliissutit unissarneqarsinnaanissaat - taamaaliornissatsinnullu utoqqatsissutissaqanngilagut.

Taamaattumik siunnersuut tamakkiisumik tapersorsorpara ataatsimiititaliamilu suliarineqarnissaannut innersuullugu. Naalakkersuisut naalakkersuinikkut oqalinneq akisussaaffimmittut tigujumangippassuk Inatsisartut tamanna tigusariaqarpaat.